



Broj: 11/04-39122-30/18
Sarajevo, 11. 1. 2019. godine

Skupština Kantona Sarajevo
Reisa Džemaludina Čauševića 1
n/r Elmedina Konakovića, predsjedavajućeg

PREDMET: *Odgovor, dostavlja se*

Cijenjeni,

Zastupnik Damir Marjanović, na Prvoj radnoj sjednici Skupštine Kantona Sarajevo, održanoj dana 19. 12. 2018. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovnikom Skupštine Kantona Sarajevo **uputio je zastupničko pitanje Vladi Kantona Sarajevo i Ministarstvu za obrazovanje, nauku i mlade Kantona Sarajevo, a vezano za "rješavanje problema u obrazovanju djece sa posebnim potrebama u Kantonu Sarajevo"**.

Zahvaljujemo Vam se na postavljenom pitanju, te Vas ovom prilikom obavještavamo sljedeće:

1. Ministarstvo za obrazovanje, nauku i mlade Kantona Sarajevo je u mjesecu februaru 2018. godine Vladi Kantona Sarajevo uputilo Nacrt strategije za uključivanje djece sa poteškoćama u razvoju u obrazovanje sa sedmogodišnjim Planom implementacije u Kantonu Sarajevo, radi donošenja Zaključka kojim se utvrđuje Nacrt strategije. Vlada je na 114. vanrednoj sjednici, održanoj 21. 2. 2018. godine donijela Zaključak kojim se utvrđuje Nacrt strategije, broj: 02-05-9198-3/18, a isti je upućen prema Skupštini Kantona Sarajevo na razmatranje. Nacrt strategije je povučen sa 38. Radne sjednice Skupštine održane 5. 3. 2018. godine.

Ministarstvo za obrazovanje, nauku i mlade Kantona Sarajevo je potom Nacrt strategije ponovo uputilo Vladi Kantona Sarajevo, koja je na 125. sjednici, održanoj 10. 5. 2018. godine donijela Zaključak kojim se utvrđuje Nacrt navedene strategije, broj: 02-05-21140-2/18, te se van snage stavio prethodno donesen Zaključak Vlade Kantona Sarajevo, broj: 02-05-9198-3/18 od 21.02.2018. godine.



Doneseni Zaključak je upućen prema Skupštini Kantona Sarajevo na razmatranje, a isti je povučen sa nastavka rada 44. Radne sjednice Skupštine održane 12. 10. 2018. godine.

2. U vezi sa drugim pitanjem koji se koje se odnosi na rad Interresorne grupe za sistemsko rješavanje pitanja programskih, prostornih i kadrovskih rješenja za djecu sa poteškoćama u razvoju u specijalnim javnim ustanovama u Kantonu Sarajevo obavještavamo Vas da je Zaključkom Skupštine Kantona Sarajevo, broj 01-05-33780/17 od 15. 11. 2017. godine, Vlada Kantona Sarajevo na 104. vanrednoj sjednici održanoj 11. 12. 2017. godine donijela Rješenje o imenovanju Interresorne grupe za sistemsko rješavanje pitanja programskih, prostornih i kadrovskih rješenja za djecu sa poteškoćama u razvoju u specijalnim javnim ustanovama u Kantonu Sarajevo, broj: 02-05-35764-1/17, a koja je, s ciljem uključivanja svih relevantnih subjekata u svrhu kreiranja stručnog prijedloga za sistemsko rješavanje navedenih pitanja, Rješenjem o izmjeni navedenog Rješenja, broj: 02-05-12772-3/18 od 7. 3. 2018. godine proširena sa još jednim članom.

Zbog zaštite ličnih podataka, ovim putem Vas obavještavamo da su članovi Interresorne grupe predstavnici Ministarstva za obrazovanje, nauku i mlade, Ministarstva za rad, socijalnu politiku, raseljena lica i izbjeglice i Ministarstva zdravstva Kantona Sarajevo, predstavnici Centra "Vladimir Nazor", Centra za slušnu i govornu rehabilitaciju, Centra za slijepu i slabovidnu djecu i omladinu, predstavnici Samostalnog sindikata osnovnog obrazovanja i odgoja FBiH-KO KS i Sindikata srednjeg i visokog obrazovanja, odgoja, nauke i kulture BiH-KO KS, potom predstavnici udruženja "Dajte nam šansu" i "Edus", kao i predstavnici Vijeća roditelja Zavoda "Mjedenica", Udruženja "Vijeće roditelja učenika osnovnih i srednjih škola Kantona Sarajevo" i Savjeta roditelja EDUS-a.

Interresorna grupa je održala osam sastanaka o čijim terminima i mjestu održavanja su svi članovi bili obaviješteni putem e-maila, za što posjedujemo dokaze.

Tokom navedenih sastanaka i komunikacije putem zajedničkog e-maila, realizirani su, između ostalog, sljedeći zadaci:

- formiranje baze podataka o broju djece/učenika sa poteškoćama u razvoju u predškolskim ustanovama i osnovnim školama u Kantonu Sarajevo,
- analiza stanja u specijalnim javnim ustanovama Kantona Sarajevo: odnosno analiza programskog, prostornog i kadrovskog stanja u specijalnim javnim ustanovama (prikupljeni podaci koji se odnose na djelatnost i usluge koje pružaju specijalne javne ustanove, i kadrovske resurse u ustanovama, broj korisnika i prostorni kapaciteti u kojem djeluju iste, kao i probleme sa kojima se ustanove susreću u svom radu),
- prikupljeni drugi relevantni podaci (putem Federalnog zavoda za statistiku o broj djece sa poteškoćama u razvoju, po nivoima obrazovanja),
- prikupljeni podaci (putem Ministarstva zdravstva KS) o broju stručnih saradnika u domovima zdravlja i centrima za mentalno zdravlje u Kantonu Sarajevo i
- kreiranje objektivne analize stanja u oblasti specijalnog obrazovanja u proteklih 5-10 godina u Kantonu Sarajevo (koji su to problemi s kojima se svaka specijalna ustanova susreće, te potrebe u svrhu poboljšanja uslova i rada).

Svi navedeni podaci korišteni su za izradu dokumenta koji će biti upućen prema Vladi Kantona Sarajevo kao prijedlog mjera za rješavanje navedenih pitanja, a čime je Interresorna grupa izvršila zadatak koji joj je dat Rješenjem o imenovanju.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Također, ovim putem Vas obavještavamo da niti jedan član Interresorne grupe nije bio plaćen za svoj rad, dakle javna sredstva uopće nisu potrošena za rad ove grupe.

S poštovanjem,



MINISTAR

Zilka Pogončić

Dostaviti:

- Naslovu,
- Arhivi.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

